



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De Officio Depositarii in mulctis, & p[o]enis, & causis fori Archiepiscopalis.

urn:nbn:de:hbz:466:1-11399

tradendum, sine aliqua diminutione fideliter tradat.

Carceres ipsos tam in die, quam in nocte visitet; & diligenter inspiciat, ne carcerati inde fugam arripere queant; nihilque in ipsis carceribus dimittat, per quod carcerati ipsi aliquid moliri possint ad fugam arripendam.

Singulis diebus vesperi ingrediatur singulos carceres; in hisque diligenter inquirat, an ibidem tale sit, vel esse possit, quo ad effectum predictum ipsi carcerati uti possint.

Sciatque si ab ipsis carceribus culpa sua & negligentia aliquis carceratus fugam arripuerit, se grauissimè puniri debere. Seruet denique taxam, quam in tabella prescriptimus seruandam ab ipso; nec maior rem accipiat, etiam a sponte dantibus, sub poena dupli; ac alias pro ratione culpe grauiter arbitrio Reuerendiss. Archiepiscopi, seu Vicarij generalis puniet.

DE OFFICIO NVNCIORVM, seu seruitorum Fori.

SINT plures Nuncij in foro Archiepiscopali ab Archiepiscopo probati, qui iniunctum officium fideliter exerceant. Curent omni sollicitudine, & fidelitate relationes quascunque in termino citationis in officio Cancellariæ causarum actorijs facere: quod si neglexerint, poena etiam priuationis ab officio, arbitrio Vicarij generalis mulcentur.

Maneant loco certo penes audientiam diebus iuridicis tempore audientiae per mediam horam antea, pro recipiendis citationibus, expeditionibusve, ac relationibus in termino praefixo faciendis. Caueant tamen, ut si quando aliquos eorum a Ciuitate discedere contigerit, citationum executarum ante discessum relationes faciant; alias vero socio in officio exequendas relinquunt sub eadem poena. Habeant librum, in quo si contigerit aliquae verbotenus citari, scribant diem, & pro qua die citauerint, si scribere se iuerint; sin autem non, statim in Cancellaria referant actuario citationem ipsam quam fecerint.

In citationibus vero quas in scriptis faciunt, modum in eis prescriptum diligenter obseruent, nihilque de eo praetermittant.

Animaduertatque, ne citationes, vel reuocatoriae, in quibus sit clausula; Quod si commodè in personam exequi nequeat, fiat executio ad domum, vel ad valuas; exequantur per affixionem, nisi prius facta diligentia, de reperiendo personaliter citandum, & eo non reperto.

DE OFFICIO DEPOSITARII in multis, & penis, & causis fori Archiepiscopalis.

SINT deputati in Ciuitate tres Depositarij honeste & probate vite: vnus, apud quem deponantur pecuniae soluedae ex causa multarum & penarum, quae eas distribuit iuxta prescriptam applicationem Reuerendiss. Archiepiscopi. Alter item, apud quem deposita quaecunque pecuniaria, quae causarum ciuilium, vel mixtarum occasione, Iudicis mandato, vel ex voluntate partium quomodolibet fieri contingerit.

Tertius denique, apud quem deponantur omnes, & quaecunque res auterendae, tam occasione causarum ciuilium, quam criminalium, & mixtarum, aut alias quomodolibet ad finem subhastrandum, ut in casu in quo distribui possint, pijs locis vsupra distribuuntur, vel parti restituantur, ut iuris fuerit: & ubi contingerit aliquid ex dictis rebus subhastrari occasione poenae vel multae, pretium habitum ex dicta subhastratione integrum consignet alteri Depositario.

Nè ij Depositarij de familia Archiepiscopi sint, sed ut conuenientius est, sint extra familiam honestae vitae; & ubi commodè possit mulctatum & pecuniarum quomodocunque depositarij loco, sit a des facta aliqua, ecclesia scilicet, locusve pius Archiepiscopi iudicio, semper ad libitum eligendus, eiusve sacrista, vel alius minister eiusmodi.

Ijdem Depositarij praestent iuramentum ad prescriptam formam, anteaquam exerceant praedictum officium.

Habeant suum quique librum, in quo scribant recepta, & data. eorum libri sint chartulati, & signati manu Iudicis in principio.

Singulis vero mensibus, vel sepius, prout visum fuerit Reuerendiss. Archiepiscopo, Cancellarius librum deferat eidem

dem Archiepiscopo ostendum, cum nota totius summa multarum ac penarum applicandarum; ac eiusdem mandato earum applicationes in eodem libro describantur, quæ sicut pijs locis, vel operibus; cui applicationi subscribat Archiepiscopus, explicando singulas summas, tum propterea ipse expediat mandata dictarum applicationum subscribere ab Archiepiscopo vel Vic. generali. Computorum verò rationes eorum Depositariorum videantur saltem singulis sex mensibus coram Vicario generali, adhibitis Canonicis Ordinarijs eccle-

siæ Metropolitanæ ab Archiepiscopo deputandis, ac Promotore fiscali, & advocato pauperum; tuncq; conferantur libri Depositariorum cum libris à Promotore fiscali confectis de multis exactis. Consolidatio computorum describatur in eodem libro tam Cancellarij quàm Depositariorum; quæ subscribatur à Vicario, Cancellario, & Depositarijs. Nec Vicarij, nec promotores fiscali, pecunias, quæ multarum occasione solvantur, penes sese, etiam depositi causa afferunt; sed omnes in manibus Depositarij persolvantur.

P A R S II.

DE CANCELLARIO,
ET CANCELLARIA

ARCHIEPISCOPALI.



MAGNA atq; ampla negotia sunt, quæ ad Archiepiscopale huius ecclesiæ Metropolitanæ bene gerendæ rationem atque usum pertinent: eorumq; magnitudo & pondus, magna ex parte sustinetur, & Cancellariæ officio, & persona Cancellarij.

Quamobrem non cuius homini, sed gravissimo viro, vel dignitatem in hac ecclesia obtinenti, vel canonico ordinario, eius curæ officium iam impositum esse, ex antiquis eiusdem ecclesiæ tabulis animadvertimus: vel certe munus ipsum dignitatè olim fuisse, ex Innocentij III. Pont. Max. literis perspeximus.

Nos igitur, & tanti muneris gravitate, & maiorum exemplo adducti, cum de cancellarij persona, tum de eius multiplici munere, hæc ut infra decernimus, instituimus, atque sancimus.

De Conditionibus Cancellarij.

Officium Cancellarij exerceat semper per unum ex Canonicis ordi-

narijs in Ecclesia Metropolitana, liberè constituendum & amovendum ab Archiepiscopo pro tempore, ad nutum ipsius Archiepiscopi.

Deligat Archiepiscopus virum qui Diaconus sit; vel eiusmodi ætatis, ut à die aptæ possessionis intra sex menses promoveri possit ad Diaconatum, & re ipsa promoveatur: alioquin si per eam steterit quominus promoveatur: nullum omnino inde emolumentum quovis nomine pretextuve percipiat.

Studeat Archiepiscopus id muneris committere ei potius qui habeat prebendam Diaconalem, quàm alij; & item (si commode possit) ei, qui sacrorum canonum Doctor sit; & per aliquod tēpus in eiusdem Cancellariæ usu & exercitio, aut in huiusmodi officijs fuerit versatus.

Non habeat ille beneficia quæ requirant residentiam personalem, præter ordinariam in Ecclesia maiori.

Sit Notarius Apostolicus, antequam officium Cancellarij exerceat; alioquin nullum Cancellariæ emolumentum percipere possit.

Sit spectatæ vitæ & morum, de quo con-